

Q. D. B. V.

10

DE

SENECA MEDICO

ID EST

DE QVIBVSDAM VTRIVSQUE
SENECAE SENTENTIIS MEDICIS

DISPUTATIO PRIMA

QVAM

PRAESIDE

IO. IACOBO KIRSTENIO

MED. DOCT. ET PHYSIOL. PROF. PVBL.

ORD.

IN CYCLO ACADEMICO

PLACIDAE PHILIATRORVM DISQVISIONI

EXPONIT


ANDREAS IACOBVS KIRSTEN

ALTORFINVS

A. D. XXVI MART. A. S. R. c101000xxxviii.

ALTORFII

TYPIS IOH. GEORGII MEYERI VNIV. TYPOGRAPHI.



01

RECEIVED

DEPT. OF THE INTERIOR

OFFICE OF THE SECRETARY

WASHINGTON, D.C.

SEP 10 1890



PRAEFATIO



Res uulgo commemorantur SENECAE: Primus
M. ANNAEVS SENECA; qui, annotante
LIPSIO, domo Cordubensis fuit, professione
Rhetor: natus ante bellum ciuile. Caesaria-
num, superuixit ad Claudii circiter princi-
patum; cuius supersunt controuersiarum et
suasoriarum Libri: ex quibus, iudice eodem LIPSIO, comi-
tas, lepos, eruditio et facundia quaedam simplex, facile ap-
paret. (a) Alter est L. ANNAEVS SENECA, Rhetoris illius
filius, Philosophus cognominatus; Neronis quondam praeceptor,
uir excellentis ingenii et doctrinae dictus COLVMELLAE,
Libr. III. de re rustic. cap. 3. Ac cuius. multae ac magnae
uirtutes fuerunt, censente QVINTILIANO, Lib. X Instit. Orat.
cap. I, ingenium facile et copiosum; plurimum studii; mul-
tarum rerum cognitio. Tractauit etiam omnium fere stu-
diorum materiam. Ex sententia CAVSSINI, de eloquen-
tia sacra et humana, Libr. III, cap. 14, parem ingenio non
habuit, et admirandus potius uidetur, quam laudandus.
Quem inprimis LIPSIVS laudatissimum et utilissimum inter
omnes ueteres scriptores, ac uirtutis studio paene christia-
num, praedicauit. (b) Tertius denique est SENECA Tragicus,
sive Auctor X Tragoediarum Latinarum; (c) quem nonnulli

A 2 pro

(467) Videatur LIPSIVS Libr. I. Elector. cap. 1. et in *Vita L. Annaei Senecae*,
 huius operibus a FED. MORELLO editis praemissa; item ANDREAS
 SCHOTTVS in *Praefat. ad Senecam Rhetorem*; conf. IO. ALBERT.
 FABRICIVS *Biblioth. Latin.* Vol. I. p. 355; et Vol. II. pag. 494.

pro filio SENECAE Philosophi, et nepote Rhetoris, habent. Alii easdem Tragoedias, grandi et illustri stilo scriptas; referunt etiam ad SENECA Philosophum; alii ad M. ANNAEVM LVCANVM; pars ad varios auctores. SENECA vero medicum fortasse nemo adhuc nominauit. Et caue, putes, a me alium, eumque a tribus Senecis iam recensitis, diuersum, nunc produci. Ego enim non constitui, nisi sententias quasdam, ad artem salutarem pertinentes, modo ex SENECA Philosopho, modo ex Rhetore, depromere, et aliquantum illustrare, maximeque dispicere, utrum illae sententiae antiquiorum recentiorumque Medicorum doctrinis, principiisque medicinae, congruant, nec ne? De SENECA Tragico: nihil adhuc polliceor; cum in eius Tragoediis nondum eius generis sententias quaesierim; neque, in tralatitia opera lectis, in tales inciderim. Cum uero, et ex testimonio aliorum scriptorum, et ex relictis tam egregiis ingenii monumentis, satis constet, latissime patuisse summam Senecarum eruditionem; mirum non est, eos etiam adyta medicinae penetrasse, et artem salutis humanae praesidem, aequae, ac philosophiam interiorem et iurisprudentiam, et eloquentiam, et quarumuis liberalium literarum studia, pulcherrimo nexu inter se iunxisse. Mihi igitur, ut opinor, licebit eodem iure huiusmodi sententiis ex SENECA repetitis, atque more disquisitionum Academicarum illustratis, titulum de Seneca Medico inscribere; uti uiri eruditi iam de Seneca Christiano, et de Seneca Theologo, (a) item et de Cicerone Theologo (b) ac Medico, (c) de

(a) AEGIDIUS STRAVCHIVS, 1668. IVSTVS SIBERVS; 1675; DIONYSIVS etiam GOTHOFREDVS iam ad instar locorum communium SENECA collegit, et sine illustratione exhibuit, Theologica, Iuridica, Ethica, Oeconomica, Politica, Grammatica, Rhetorica, Historica, Dialectica, Physica, Medica, et Mathematica.

(b) IO. ANDREAS SCHMIDIVS, 1698. etc. IO. PHILIPP. TREVNER; de Cicerone Theologo 1700.

(c) de Virgilio Iurisconsulto, (d) et similibus argumentis simili, tractandi ratione disquisuerunt. Neque uero hoc institutum meum inutile, aut harum rerum curiosis prorsus iniucundum, fore existimo. Sic enim illustrantur SENECAE utriusque loca quaedam; sic et ueterum et recentiorum medicorum placita identidem inter se conferuntur; sic animi Philiatorum ad euoluenda tam praestantium scriptorum scripta magis excitantur, atque deducuntur; sic et iidem disputaturi in promptu habent uaria artis salutaris argumenta; de quibus et facili opera; neque sine animi oblectatione, disquirant. In sententiam uero proponendis, nullis certis ordinis legibus iam me adstrictum uolo.

(c) IO. SAMVEL BERGER, Vitemb. Saxo, de Ciceroe Medico, A. 1711.

Addatur ADAM. BRENDELII Dissertatio de Homero Medico: A. 1700.

(d) V. C. ERHARDI REVSCHII, Prof. Helmstad. disquisitio de P. Virgilio Marone iureconsulto ex Eclog. III, u. 17 - 24. A. 1720.

I.

SENECA Epistol. XXII.

Non potest medicus, per epistolas,
cibi, aut balnei, tempus eligere:
uena tangenda est.

CVM SENECA, *Philosophus*, loco citato, suaderet Lucilio suo, ut hic se educeret ex occupationibus speciosis et malis; addidit, id, quando, aut quemadmodum, fieri deberet, ex longinquo neminem satis suadere posse: propterea, quod quaedam non nisi a praesente recte monstrantur, et quod aliquando quasi cum ipsis rebus sit deliberandum. Quam sententiam moralem ut illustraret, usus

est similitudine a Medico petita, cuius praesentiam, ad diac-
tam certam praescribendam, aut remedia ordinanda, aliquan-
do etiam maxime necessariam esse, dixit. Scilicet in cor-
poris atque animi medicina similitudinem quandam iamdu-
dum agnouere ueteres. Vnde et ipse CICERO: (a) *Quid-*
nam esse, inquit, causae putem, cur, cum constemus ex ani-
mo et corpore, corporis curandi tuendique causa, quaesita sit
ars eius, atque utilitas, deorum immortalium inuentioni con-
secrata: animi autem medicina nec tam desiderata sit, ante-
quam inuenta; nec tam culta, posteaquam cognita est: nec tam
multis grata et probata, pluribus etiam suspecta et inuisa? Sed
nobis hoc loco non tam considerandum est, quid de animi,
quam quid de corporis, medicina, dixerit, statueritque, SE-
NECA? Hoc nempe iudice, Medicus absens, non ubique et
semper officio suo satis fungi potest, *per epistolas*: siue intel-
ligas epistolas ab ipso Medico scribendas, quibus non semper
omnia consilia aegrotanti obseruanda, tam commode com-
prehendi, aut tam accurate pleneque, quam coram, exponi
possint; siue accipias pro epistolis ab ipso aegrotante, aut ab
aliis, ad Medicum scriptis; cum hi saepe non minus, ac ru-
des internuntii, ueras morbi causas, et qualitates, aliasque
necessarias circumstantias, indicare nesciant; neque tunc
Medicus idoneam et sufficientem medendi rationem inire at-
que praescribere facile ualeat. Hinc adeo bene arguit SE-
NECA, ad accuratiorem curam adhibendam, omnino re-
quiri praesentiam Medici. Loquitur autem Philosophus *ρο-
πικώς*, et speciem pro genere, partem pro toto, ponit; dum
ait, *uenam esse tangendam*; cum praeter uenae tactum, omni-
no Medico prudenti plura sint obseruanda. Vbi notandum,
etiam hoc loco *uenam* pro *arteria*, nominari; cum *pulsus*
non

non tam in uenis, quam in arteriis existat. Sed ita iam ueteres Medici plerumque ista nomina miscuerunt; maxime, cum Latini destituerentur nomine Latino, quo *arterias* proprie designarent; nisi quod deinceps has, discriminis causa, uocarint *uenas vitales*. Certe CICERO ipse, (f) ex uenis indicia morborum capienda docet. *Medici*, inquit, *signa quaedam habent ex uenis et ex spiritu aegroti; multumque ex aliis futura praesentiunt*. Quamquam idem alibi (g) discrimen quoddam; sed id hodiernis physicorum principiis non satis conueniens, agnoscat. *Sanguis*, inquit, *per uenas in omne corpus diffunditur, et spiritus per arterias*. Etiam PER-SIVS (h) *uenas pro arteriis posuit*. *Tange, miser, uenas; et pone in pectore dextram*. Arteriae enim pulsu dant significationem bonae, malaeue ualitudinis. Sed et Medici imponebant aliquando pectori manum, ut explorarent, qualis eius esset palpitatio. Quid? quod et ipse princeps Medicorum, HIPPOCRATES, (quod iam observauit celeberrimus SCHVLZIVS, (i) cuius nomen mihi semper charum erit et uenerabile) uocabulo Graeco Φλέψ, similiter tam generalem tribuit notionem, ut non solum *uenam*, sed etiam *arteriam*, et *neruum*, denotarit. GELLIVS (k) uero, iam *imperitiam loquendi* uocat, si quis dicat, *attingere uenam*, adeoque uenam pro arteria nominet. An uero idem ibi *uenam* ab *arteria* accuratius, quam CICERO, distinguat, non obscure ex his eius uerbis intelligitur: *Vena*, inquit, *est conceptaculum sanguinis, quod αἷμα Medici uocant, mixti confusique cum spiritu naturali; in quo plus sanguinis est, minus spiritus. Arteria est conceptaculum spiritus naturalis mixti confusique cum sanguine; in quo plus spiritus est, minus sanguinis*.
Multo

(f) Libro II. de *Diuinatione*, cap. 30. (g) Libro II. de *Natura Deorum* cap. 55.

(h) *Satyr.* III. uers. 407. (i) Vid. V. C. SCHVLZII *Hist. medic.* p. 234.

(k) *Libr. XIII. Noct. Attic.* cap. 10.

Multo rectius recentiores Medici, et inter eos inprimis Vir
 omni laude maior, D. D. HEISTERVS, (1) eas definire solent:
Arteriae, sunt canales, ait, siue uasa elastica, pulsantia, co-
nica, sanguinem ex corde ad omnes reliquas partes deferentia:
Venae uero uasa instar coni inuersi, non pulsantia, sanguinem
ab omnibus partibus ad cor reducentia. Sicuti autem omnino
 constat; ex arteriae tactu haud exigua prosperae aduersaeque
 uoletudinis, et naturae aegrotantis, indicia capi posse; ita
 tamen magna quoque circumspeditione opus est, ne et exinde
 forte fallamur. Haud enim prorsus de nihilo est, quod de
 obseruatione pulsus uenarum, siue arteriarum, tradit CEL-
 SVS: (m) *Venis, inquit, credimus, fallacissimae rei; quia*
saepe istae lentiores celerioresque sunt, et aetate, et sexu, et
corporum natura. Et plerumque satis sano corpore, si stoma-
chus infirmus est, nonnunquam etiam incipiente febre, sub-
eunt, et quiescunt: ut imbecillus is uideri possit, cui facile la-
turo grauis instat accessio. Contra saepe eas concitat, et resol-
uit, sol, et balneum, et exercitatio, et metus, et ira, et qui-
libet alius animi affectus, adeo, ut cum primum Medicus ue-
nit, sollicitudo aegri dubitantis, quomodo illi se habere uideat-
tur, eas moueat. Ob quam caussam periti medici est, non pro-
tinus, ut uenit, apprehendere manu brachium; sed primum re-
sidere hilari uultu, perscrutarique, quemadmodum se habeat; et
si quis eius metus est, eum probabili sermone lenire; tum de-
inde eius carpo manum admouere. Quas uenas autem conspe-
ctus medici mouet; quam facile mille res turbant! . . .
Igitur intueri quidem etiam ista, (uenas et calorem) oport-
et; sed his non omnia credere. Cum uero SENECA satis
 habuerit, uel unico exemplo ostendere, quam expediat, et
 aliquando necesse sit, ut Medicus ipse hominis curandi uires
 aut morbum, coram exploret; ita caue, putes, sufficere
 tunc,

(1) Compend. Anatom. pag. m. 9. (m) Libr. III, esp. 6.

tunc, solam tangere, uel tentare arteriam. Ipso docente
 HIPPOCRATE, parente artis medicae, (n) χρώματος μετα-
 βλη. σφυγμοι. ψύξις. παλμοι. σκληρόσμος. δερμάτος. νευρίων.
 ἀφθέρων. Φωνή. γνάμης. ἀήμα ἐκείστων. πείχης. σπυγες. τὸ ἐν-
 φερὸν. ἢ μὴ, δια δέ. i. e. Coloris mutatio, pulsus, refrigeratio,
 palpitationes, catiis durities, nervorum, articulorum, uocis, mentis
 figura uoluntaria, pili, unguis, tolerandi leuitas, aut secus,
 et qualia oportet, sunt consideranda. Imo, multo plura atten-
 denda sunt a prudenti medico, quae quoniam in accuratiore
 Σημειωτικῇ pertractantur, hoc loco exponere uelle, nimis in-
 tempestiuum foret. Vt uero SENECA indicaret, praesentiam
 Medici, non solum ad regulas diaeteticas, accuratius prae-
 scribendas, quibus et praesens sanitas conferuetur, et futuri
 imminentesque morbi auertantur, et ualitudinariorum uires
 reficiantur; sed etiam ad therapeutica, et chirurgica reme-
 dia circumspicius adhibenda, peropportuna esse; utitur
 preuitatis causa, uel unico exemplo temporis, cibi, balneique
 eligendi; cum non solum cibi, sed et potus, motusque, et
 aliarum rerum eligendarum non tantum tempus, uerum etiam
 modus, qualitas, et quantitas, atque alia ad medicinam so-
 lidiorum pertinentia, attendi debeant. Sic uero, e. g. Medici
 praesentes iudicabant, decernebantque, an et quando Plin-
 io Secundo, ardenti febre laboranti, expediret, uti potione,
 itemque balneo. Ipse enim PLINIUS, (o) cum perustus, inquit,
 ardentissima febre, tandem remissus, unctusque, acciperem a
 medico potionem, porrexī manum, utque tangeret, dixi; admo-
 tumque iam labris poculum reddidi. Postea, cum uicesimo
 ualitudinis die balneo praepararer, missitantesque Medicos re-
 pente uiaissem, causam requisui: responderunt, posse me tuto
 sanari, non tamen sine aliqua suspitione. Balneorum usum

B

uete-

(n) HIPPOCRAT. de humoribus, pag. 47, edit. Boerh. q. 980. g. 689. l. 11. l. 11. l. 11.

(o) PLINIUS, Lib. VII. Epist. I.

meteribus fuisse frequentissimum, quis est, qui nesciat? Is autem generatim ob quatuor potissimum causas utebantur; nempe, tradente CLEMENTE ALEXANDRINO, (p) ἡ καθαραιότητος ἕνεκα, ἡ ἀλείας, ἡ ὑγείας, ἡ τὸ τελευταῖον ἡδονῆς. i. e. *Sive ob corpora mundanda; aut tepesfacienda; sive ob sanitatem; siue denique ob uoluptatem.* HIERON. MERCVRIALIS, (q) calidis, inquit, balneis utebantur maiores ad leuandas lassitudines, nec non ad corpora emollienda; quae ideo ἀνθρώπων γυναικῶνα uocant. Calidis et tepidis ad conciliandum somnum; frigida lanabantur, et ob uoluptatem, et ut robustiores redderentur, calorque naturalis intro repulsus maior euaderet; ideoque fere post calidas balineas ea adhibebatur. Summa igitur huius sententiae, quam ex SENECA proposui, huc redit, ut teneamus, ad circumspectiorem et feliciorem medicinam faciendam utique pertinere, si medicus eum, quem curandum suscepit, ipse coram intueatur, obseruet, et exploret. Quod consilium ipse, qui nunquam satis laudari potest, HIPPOCRATES (r) his uerbis suggessit: Εἰ μὲν οὖν παρείη τις καὶ ὁρῶη, γινώσκοντες ἂν τὸν ἄνθρωπον, ἐκδύνοντά τε καὶ ἐν τοῖσι γυμνασίοισι γυμναζόμενον, ὥς τε φυλάσσειν ὑγιαίνοντα, τῶν μὲν ἀφαιρέων, τοῖσι δὲ προσειθείς. μὴ παρείοντι δὲ, ἀδύνατον ὑποθέσθαι, ἐς ἀκροβύην σίτα καὶ πόνας. h. e. Si igitur quis praesens adsit, et inspiciat hominem exuentem se et in gymnasiis exercentem, is utique nouerit, haec quidem detrahendo, illa uero adiciendo, ut sanum seruare oporteat. Qui uero minime praesens adsuerit, is exacte cibos et labores praescribere non poterit. Quam uero ob causam Medici praesentia sit exoptanda, THOMAS exposuit BARTHOLINVS. (s) Praesentiam medici, inquit, plurima exposcunt; morbi status, et tempora, causarum notitia, aegri temperies, consuetudo, habitus corporis et animi, accidentia

prae-

(p) Libr. HI. Paedag. cap. 9. (q) de arte Gymnast., Libr. I. cap. 10. (r) de Viâ Ration. p. 341. edit. Foesian. (s) In Paralytic. N. T. secund. p. 33.

praesentia, imminetia, et reliqua signorum sylloge. Quibus ignoratis, ne ditiuillitio aestimauerim, seu medicum, seu susceptam curationem. Ea propter etiam fidem habere possumus Clariss. BOHNIO, (t) dicenti: Ipsemet expertus testor, me saepius unico momento penes illum (sc. aegrum) agendorum plus obseruasse, quam prolixiores ministrorum ministrarumue relationes me docere poterant: et, innuentibus hinc inde Hippocrate ac Celso, uix ullus forsitan morbus datur, in quo cum aegro ipso conferre, eundemque interrogare, necessarium haud fuerit. Nec mirum: nam uix ullum inuenias Medicum, qui non saepissime conqueratur de manca interdum, qua crudiri debet, epistola: cum ut plurimum multa, quae non ad morbi historiam et notitiam pertinent, inutiliter sint interspersa; utilissimae e contrario et maxime necessariae circumstantiae, quae de praesenti morbo Medicum certiores facere deberent, omissae. Quo accedit, quod nonnulli interdum etiam, aut propter uerecundiam, aut alias ob causas, (u) in litteris aliquid omni studio praetereant, aut dissimulent, ne littera scripta, quae manet, aliorum forte oculis exponatur, et ne ipsorum morbus, morbiue causa, aliis innotescat. Iam uero, quid sentiamus de peruersa et inepta illorum consuetudine, qui ne quidem per litteras, aut internuncios, Medico morbi sui rationem significant; cum sibi persuasum habeant, ualitudinem suam ex sola urina satis dignosci posse? Quamquam et ipsi internuncii aliquando tam rudes, tamque inepti sunt, ut interdum non solum peruersa narrent; uerum etiam risu dignos errores admittant, quales PETRVS notauit KIRSTENIVS. (vv) *Caueas*, inquit, *ne adstantes tui, si eos, consilii petendi gratia, ad Medicum mittas, sint imprudentes, et obliuiosi, ita*,

(t) De Offic. medic. dupl. Cap. IV p. 99. (u) Vid. Dissert. de confessione aegri erga medicum sub Praesid. D. D. ALBERTI, Halae 1724. edit. (vv) Libr. de uero usu et abusu medicinae, Tract. III. cap. 3.



ut, cum medicus imperet assumptionem coriandri, tibi exhibeant
calendaria: aut si formulas medicamentorum praescriptas por-
 rigeat, quis ad pharmacopolium deferre deberent, ut praescripta
 praepararentur remedia, ipsi stolidi, in sculis uel edulis chartas
 illas impositas tibi exhibeant.

II.

SENECA, *Epistol.* LXXV.

**Non quaerit aeger medicum elo-
 quentem, sed sanantem.**

HAud sane haec sententia ita est explicanda, ac si per Me-
 dicum eloquentem, possit intelligi Medicus uerbis sanans.
 Quae sanandi ratio, si uera et efficax existeret, dubium non
 est, quin etiam ab aegrotante exposceretur. Equidem,
 praeter alios, eam admisisse uidetur THEOPHRASTVS PARA-
 CELSVS, (x) ubi tradit, naturam uires suas in uerba im-
 ponere, sicuti in herbas et radices. Cuius generis curationis,
 ex antiquis etiam, CATO (y) nobis exemplum suppeditauit.
Luxum si quid est, ait, hac cantione sanum fiet: *harundinem*
prende tibi uiridem pedes IIII, aut V, longam. Mediam dis-
finde, et duo homines teneant ad coxendices. Incipe cantare:
In alio S. F. motas uacua daries dardaries astataries
dissunapiter, usque dum coeant. Ferrum insuper iactato
ubi coierint, et altera alteram tetigerit: id manu prende, et
dextra sinistra praecide. Ad luxum, aut ad fracturam alliga-
sanum fiet. Et tamen quotidie cantato in alio S. F. uel luxa-
to. Vel hoc modo: Haut haut haut ista sis tarsis ar-
dan-

dannabon donnaustra. Verum talia nequaquam ad eloquentiam; sed potius ad supersticiosam, aut magicam, barbariem pertinent. Etenim, quod recte scripsit *ROMA*, in votis ad istum CATONIS locum, *carmina et uerba contra morbos ualere, sapientissimi cuiusque fides respuit*; sed pulchrum sine rerum sensu, et ulla certa cognitione, credit, experiturque aliquando optatum effectum. Cuius uanae persuasionis exempla refert VARRO, *Libr. I. cap. 2.* PLINIVS, *Libr. XXXI Histor. natur. cap. 60.* et *Libr. XXVII. cap. 12.* AMMIANVS MARCELLINVS, *Libr. XXIX.* Dispicendum igitur est, quis alius dicatur SENECAE *Medicus eloquens*? Equidem, ex sententia CATONIS, (z) *Orator, uel uir eloquens, est uir bonus, dicendi peritus.* Ac, quod CICERO (a) tradit, *eloquentia est una de summis uirtutibus, imo apte, et distinde, ornateque loquens sapientia.* Sed dubito, an talem eloquentiam intelligat SENECA, nisi ea fuerit ab omni peritia medendi seiuncta. Si quis enim est uir uere bonus, uereque sapiens, ille ipse eloquentiam, qua praeditus est, non adhibebit ad sanandum, ubi eam nihil prodesse, nec ad sanandum ualere, nouerit. Persuasum itaque mihi potius habeo, SENECAM fortasse innuere eloquentiam quandam *declamatoriam*, quae aliquid habeat accersitum, ac fictum, et saepe cum imprudentia sit coniuncta, ac quae se magis, quam res, ostendar. Haec est illa *apparens et affectata eloquentia*; quae loquentia potius, et loquacitas, et garrulitas, et quiduis aliud, est dicenda, quam eloquentia; prout SALLUSTIVS, (b) dixit, in *Catilina satis fuisse loquentiae, sapientiae parum.* Quod discrimen luculenter ostendit PLINIVS. (c) IULIVS CANDIDVS, inquit, *non inuenuste solet dicere, aliud esse eloquentiam, aliud lo-*

(z) Vide PLINII *Epist. 7. Libr. IV.* et QVINCTII *Libr. VII. institut. Orator. cap. I.*
 (a) *de Orat. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*
 (b) *in Catilina cap. 5.*
 (c) *Libr. V. Epistol. 20.*

quentiam. Nam eloquentia uix uni, aut alteri, imo, si Marco Antonio credimus, nemini; haec uero, quam Candidus loquentiam uocat, multis, atque etiam impudentissimo cuiusque, maxime contingit. Tales medicos, loquaces nempe, quomodo quaerat aegrotus; quos ne quidem satis aequo animo ferre possit? Hi sunt eius generis Medici, qui, si ad aegrotantem uocantur, nescio quos ineptos, ridiculos, et ad morbum minime pertinentes, sermones habeant. Cuiusmodi garrulitatem ut fugiant, CASPARVS HOFFMANNVS, (d) decus quondam huius Academiae, diligenter monuit. Et IO. quoque IAC. SCHARANDAEVS (e) prudenter praecipit, ne Medici, ut loquaculi tonsores, cum aegro, aut assidentibus, garruant. Alioquin, quod prouerbio dicitur, garrulus Medicus aegrotanti est alter morbus. (f) Facundia quidem, et uera eloquentia, tempestiue adhibita, uti omni hominum generi, ita et Medicis, maximo est ornamento; (g) sed, ut ea faciat ad iucundam curationem, et aegrotanti profit, nec molesta accadat; tunc necesse est, ut, cum solida medendi scientia, ac cum usu et exercitatione, sit coniuncta: alias ualet illud, quod PETRVS CASTELLVS (h) dixit: Medicum, qui profiteatur elegantiam sermonis, atque dicendi artem, saepissime in medendo minus ualere, quam barbare loquentem. Hoc idem est, quod CELSVS (i) tradidit: Morbos non eloquentia, sed remediis, curari. Quae si quis elinguis usu discreti bene norit, hunc aliquando maiorem medicum futurum, quam si sine usu linguam suam excoluerit. Idem sensit LVCIANVS, (k) cuius uerba, ut chartae parcam, latine facta addere lice-

(d) *Isagog. medic.* pag. 78. (e) *de modo et ratione uisendi aegros*, cap. VI. pag. 132.

(f) D. D. STOCKIVS, in *Dissert. de Temperantia medicorum*, §. 8.

(g) Vide Celeberr. HEVMANNI *Programma de eloquentia medici*.

(h) *Optim. medic. Specul.* II, pag. 28. (i) in *praefatione*, pag. 10. edit.

Almelou. (k) in *Hippia*, sub initium.

licebit. *Prudens aegrotus, inquit, eos Medicos non accerset, qui quam optime de arte differere possunt; sed qui in eius usu se exercuerunt. Sed audiamus adhuc ipsum SENECA, in eadem epistola sententiam suam omnium optime explicantem! Non quaerit aeger, inquit, medicum eloquentem; sed sanantem. Sed si ita competit, ut idem ille, qui sanare potest, compte de his, quae facienda sunt, differat, boni consulet: non tamen erit, quare gratuletur sibi, quod inciderit in medicum etiam disertum. Hoc enim tale est, quale, si peritus gubernator etiam formosus est. etc.*

III.

SENECA, *Epistol. II.*

**Nihil aequae sanitatem impedit, quam
remediorum crebra mutatio.**

Sunt omnino ex medicis nonnulli, quibus salutari hoc consilio quam maxime opus est; si qui inprimis in praescribendis formulis nimis sunt faciles, liberalesque. Putant nimirum quidam, inutilem eam uideri aegrotantium uisitationem, si non semper aliquid etiam noui insimul praescribant. Alii, ambitione, uel *Φιλαυτία*, impulsī, ne uideantur in arte parum uersati, quotidie saepius nouas exhibent formulas, aut, si quando aduocantur ab eiusmodi aegro, qui unico medico haud contentus est, mutare non raro remedia prioris medici solent, etiam si sint salutaria: ne modo uideantur fuisse inutiles, et praeter necessitatem aduocati. Rursus alii, tum Medici, tum aegrotantes, nimis sunt impatientes, adeo, ut, nisi medicamentum statim desideratum edat effectum, dicto citius

id uariant, haud recordantes, SENECAE alibi, (1) haud praeter caussam, monuisse: *remedia non prodesse, nisi immorentur.* Nihil dicam de illis, qui inconstantiam pariter ac ignorantiam suam, eo ipso produunt, dum remedium suum incerti frequentius eadem mutant. Rationalis autem et prudens Medicus nunquam immemor est illius oraculi HIPPOCRATIS: (m). *Εάντε κατὰ λόγον ποιήσιν, καὶ μὴ γινώσκοντες τὰ κατὰ λόγον, μὴ μεταβαίνειν ἐφ' ἑτέρον, μένοντας τὰ δέξαντες, & δεχόμενοι.* i. e. *Omnia secundum rationem facient, si non succedant secundum rationem, non est mox transfundendum ad aliud, manente eo, quod ab initio uisum fuit.* Imo, GALENVS (n) ipsius SENECAE hanc sententiam legisse, exinde coniicio, quia idem consilium tot fere uerbis Graecis expressit; quot Latini usus est SENECA. Ex recentioribus medicis multi huic sententiae calculum suum adiecerunt, quorum unicum saltem adduco FRID. HOFFMANNVM Germaniae insignis ornamentum, cuius de *methodo medendi Lex XIV* (o) ita se habet: *A cuncta mutatione medicamentorum abstinendum, et securis atque probatis remediis insistentum; licet non statim conspicuam afferant leuamen.* Id autem monendum est, praecipuum hoc non ita rigore esse explicandum, ut non interdum, uarias propter circumstantias, opportuna remedium mutatio omnino locum habeat. Sic enim saepissime accidit, ut malo quodam diuturno et chronico laborantes, ab unico, eoque saepius repetito medicamine, nausae molestiam facile suscipiant; quae si superuenit, tunc medicus non peccat, si *remedii mutationem* instituat, et ad palatum aegrotantis id accommodet. Quin immo, interdum opinioni hominum aliquid est concedendum, quando aegri ipsi uariationem auidè desiderant, cum *proprium aegri sit*, perhibere

(1) Epistol. XL. (m) Aethorif. Sect. II. aphor. 52. (n) I. de diab. crit. cap. II. (o) Medicina, ration. system. Tom. III. Sect. II. cap. II. §. 20.

SENECA, (p) *nihil diu pati, et mutationibus, ut remediis, uti.* Haud pauci namque putant, nisi quis, referente BOTALLLO, (q) *ad se introgressus, uel cataplasma apposuerit, uel perfuderit, uel adusserit, uel chlysterium indiderit, uel uenam inciderit, uel cucurbitulas adiunxerit, uel confricuerit, uel nutrierit, aut huiusmodi quid facerit, nihil ab ipso gestum esse artificiosum.* Mutatio etiam haud reprehendenda, si quando ipsius morbi ratio eam exigit, postulatque. Sic enim ipse CELSVS: (r) *in acutis morbis, inquit, cito mutetur, quod nihil prodest.* Imo, haud raro et tunc *remediorum mutatio* requiritur, si subnascantur symptomata; aut si morbus praesens in alium morbum transeat; item et alias ob causas, quas PRIMEROSIVS (s) adduxit. Quamdiu autem prior morbus adhuc permanet; nulla crebra mutatio fieri debet, praesertim in medendi methodo, atque ubi medicus morbum iam bene cognouerit, indicationes conuenientes formauerit, et remedia elegerit efficacia. Quando uero, ob rationes quasdam antea expositas, mutatio est instituenda; tunc expedit, ut Medicus non tam medendi methodum, quam remedia, sepe indicata, mutet. Id quod duplici ratione fieri potest: aut enim mutari possunt formulae, ita, exempli causa, ut ex *pulvere* fiat *potiuncula*, aut *electuarium*, aut aliud medicamento idonei genus; et nihilominus tamen maneant ingredientia; aut si ingredientia, secundum qualitates odoris, saporis, aut coloris, quantum fieri potest, mutantur; quae tamen eandem uirtutem exerant. Qui ita mutat, *sanitatem non impedit*: is autem plurimum, qui, ob causas supra recensitas, temere mutat.

C

IV.

(p) De Tranq. anim. cap. 11. (q) De Med. et eius muner. (r) Libr. cit. Libr. III, cap. 1. (s) De Error. uulg. Lib. IV. cap. 4.

IV.

SENECA, *Libr. IV. Contr. 5.*

Nihil aegris magis prodest, quam ab eo curari, a quo uolunt.

OMnino ueritatis fundamento nititur haec sententia. Amor namque, familiaritas, et fiducia erga medicum, plus fortasse, quam putares, ad feliciorē curationem conferre possunt. Vnde idem SENECA *Rhetor*, loco citato, exemplum affert filii, medicinae studiosi, qui patrem aegrotantem feliciter sanauerat, quem alii medici negarant posse sanari. Vbi idem filius recte dixit patri: *Quaeris, quomodo te sanauerim! Non tibi medicus, sed filius, profuit. Desiderio laborabas: gratum tibi erat, quicquid meis manibus acceperas. Ut primum intraui, recreatus es.* Hoc ipsum consilium multi Medici, et ante et post SENECAM, usu et experientia docti, approbarunt. HIPPOCRATIS, GALENI, AVICENNAE, testimonia huc spectantia, Vir quondam in arte medica incomparabilis collegit, BOHNIVS; (t) item IO. FRIDERICVS A PRE, peculiari disputatione *de confidentia in medicum*, (u) uiam et rationes, quibus Medicus agroti amorem et fiduciam sibi conciliare possit, nobis monstrauit. Neque adeo de nihilo esse uidetur hoc prouerbiū: *Opinio facit medicum*. Opus autem est, ut aegrotus sit prudens, et non a *medicastro*, *empirico*, et *circumforaneo*, aut *mulierculis*, aliisque huius farinae hominibus, auxilium petat. Sed si quis morbo laborans, in ciuitate aliqua uitam agit, in qua plures medici, in arte exercenda periti, et felices, atque eruditione et scientia fere pares, inueniantur; tunc aegrotus optime sibi suaeque salutis consulat, si eum inprimis eligat ad sanandum, quem aut magis sibi habeat familiarem, impensiusue amet; aut in cuius dextera-

(t) *de Offic. med. cap. IV. p. 46.* (u) *Resp. FROMHOLD, Erf. 1710.*



teritate plus spei ac fiduciae collocet. Quod etiam fortassis CEL-
SVS uoluit, quando in fine praefationis suae, in libro de *Medicina*
dixit: *Cum par scientia sit, utiliore tamen medicum esse amicum,*
quam extraneum. Cui alii quoque assentiuntur. (vv) Supra etiam
laudatus PETR. KIRSTENIVS (x) *Medicum*, inquit, *sibi reddat ami-*
cum et familiarem. Vix enim dici potest, quantum medicus, alicui
hominis amicus ac familiaris, praeserri debeat nouo ac ignoto. Nam,
quo diutius et quo familiarius aeger usus est Medico, ceteroquin
docto ac perito; eo certior esse potest, tali Medico naturam suam,
et idiosyncrasiam magis, quam extraneo, posse esse cognitam atque per-
spectam. Iam, si et honesta solatia uim medicinae habent, et quid-
quid animum erigit, etiam corpori prodesse solet: annon etiam prae-
sentia et affectus Medici amici uelut in remedium cedat? Certe SENE-
CA Philosophus: (y) Nihil, ait, aequè aegrum reficit atque adiuuat, quam
amicorum aspectus; nihil aequè expectationem mortis ac metum surripit. Ne-
que hoc mirum nobis: multo namque maiori gaudio, medicum, quem
desiderat, aeger excipit; praecepta eius strictius obseruat; medica-
menta libentius sumit; sibi què persuadet, hunc *Medicum* suum fami-
liarem nihil esse praetermissurum, quod ad decumbentis sanitatem
instaurandam aliquid efficere ualeat. Sic ita animi affectus tempe-
rat, et dolorem aequiore fert animo. Quod inter alios etiam PAV-
LVS confirmat ZACHIAS (z). Quae omnia omnino ad recuperan-
dam sanitatem amissam suam conferunt symbolum, et morbo-
laborantibus egregie conteniunt atque profunt.

(vv) In notis edit. Ienens. Celsi cum praefat. WÆDELII adducitur PLAVTVS *Perf. IV. 4. 46.*
et HIPPOCRAT. DIONYS. 29. 30. 31. (x) Lib. cit. *Tract. I. cap. I. § 6.* (y) *Epist. LXXIX.*
(z) *Quaest. medic. legal. Tom. XI. Libr. VI. T. I. Quaest. VI. n. 7.*

Laudatus Seneca est uitae morumque magister;
Nunc Senecam Medicum concelebrare iuuat.
Corporis et mentis medicinam iunxerat idem:
O bene, qui pariter corpore, mente, ualet!
Gratulor ergo Tibi merito, charissime Frater,
Corporis atque animi cui quoque cura placet!

Fratri dilectissimo,
industriæ experimentum publice facienti, congratulatus,
prosperosque rerum successus ex animo apprecatus, dabat
D. IO. IAC. KIRSTEN, PRAESES.

ERgo sophi (laetor) medici, medicique sphi, sunt;
Nam Seneca est medicus, KIRSTENIVSque sphi.

*Haec Nobilissimo et Doctissimo DOM. RESPONDENTI
gratulationis causa scripsit*

M. IOH. ANDR. MICH. NAGEL.

Quam pulchre Senecam sequeris doctrina operaque:
Ast utrumque tamen uincis in arte TVA.

De TE, KIRSTENI, breuibus qui dicere tentat,
Doctum TE Medicum Philosophumque uocet.

*Praenobilissimo praestantissimoque DOM. RESPONDENTI,
Fautori suo atque cognato aestumatissimo;
specimen eruditionis gratulatur*

BERNHARDVS IACOBVS DEGENIVS, Nor. Opp.

EX Senecis Medicum mirum est fecisse duobus:
Qui facit id, multa sedulitate uiget.

Hinc quia nunc operi, KIRSTENE, industrius instas;
Eximium specimen gratulor inde Tibi.

Philosophos Medicis si post adscripseris omnes,
Augebit laudes sic labor ipse Tuas.

*Nobilissimo Praestantissimoque DNO. RESPONDENTI,
Senecas Medicos feliciter et docte defendenti, ex animo
gratulari debuit, uoluit*

GVSTAVVS GEORGIUS ZELTNERVS,
Med. Stud. Opp.

Dum Senecam medicum docto certamine monstras,
Ipse TVAS dotes, ingeniumque probas.

Nam certo constat: nulli sine Marte triumphi,
Ac nullae laudes absque labore decent.
Maie bonis animi, doctam conscende cathedram!
Eximios plausus, dulcis Amice, feres.

Egregios ausus mox praemia larga sequentur,
Digna Tuis studiis, digna labore Tuo.

*Ita Pereximio DOM. RESPONDENTI, Medicinae omnisque cultioris
doctrinae cultori strenuo omnium longe dilectissimo
gratulari suamque obseruantiam
testari uoluit*

IOH. DANIEL CHRISTOPH. FISCHERVS,
Med. Stud. Oppon.